

ხ ე ლ შ ე კ რ უ ლ ე ბ ა
სახელმწიფო შესყიდვის შესახებ N21

ქალაქი ბათუმი

20 თებერვალი 2018 წელი

ერთის მხრივ შპს "Goderdzi Resorts"-ი (შემდგომში „შემსყიდველი“), წარმოდგენილი დირექტორის ზურაბ ჭურკვიძის სახით და მეორეს მხრივ მეორეს მხრივ ი/მ თამაზ ბუკია (შემდგომში „მიმწოდებელი“), წარმოდგენილი თამაზ ბუკიას სახით, „სახელმწიფო შესყიდვების შესახებ“ საქართველოს კანონის და „ელექტრონული ტენდერის ჩატარების წესი“-ს საფუძველზე დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს მომსახურების გაწევას მოცემული ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი;

2. ხელშეკრულების საგანი

- 2.1. ხელშეკრულების საგანია აუდიტორული დასკვნის მომზადება კლასიფიკატორის (CPV) კოდი 79200000);
- 2.2. აუდიტორული დასკვნის ობიექტის შესახებ ინფორმაცია და დასკვნის მომზადებისათვის მოსაკვლევე მასალებს შემსყიდველი წარუდგენს მიმწოდებელს წერილობითი სახით ხელშეკრულების გაფორმებიდან ორი სამუშაო დღის ვადაში.

3. ხელშეკრულების ღირებულება

- 3.1. ხელშეკრულების ღირებულება შეადგენს 500 (ხუთასი) ლარს.
- 3.2. ხელშეკრულების ღირებულება მოიცავს ხელშეკრულებით გათვალისწინებული მომსახურების ხელშეკრულებით განსაზღვრული პირობებით გაწევასთან დაკავშირებულ მიმწოდებლის ყველა სავარაუდო ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

4. მიწოდების ვადა და ადგილი

- 4.1. მომსახურების გაწევის ვადაა 2018 წლის 20 თებერვალიდან 2018 წლის 01 მარტამდე პერიოდი;
- 4.2. მომსახურების გაწევის ადგილია ქალაქი ბათუმი; კონსტანტინე გამსახურდიას ქ.#1, ბინა 4-7.

5. მიწოდების პირობები

- 5.1. მიმწოდებელი ვალდებულია მიაწოდოს მომსახურება ხელშეკრულებით გათვალისწინებულ ვადებში, შემსყიდველის მიერ განსაზღვრული მოთხოვნების დაცვით;
- 5.2. მიმწოდებელი ვალდებულია გასაწევი მომსახურების შესახებ ინფორმაციით განსაზღვრული მომსახურებების ყველა პირობა შეათანხმოს შემსყიდველთან.

6. მომსახურების მიღება-ჩაბარების წესი

- 6.1. გაწეული მომსახურების მიღება-ჩაბარებას ახორციელებენ სათანადოდ უფლებამოსილი პირები;
- 6.2. შემსყიდველის მხრიდან მიღება-ჩაბარებაზე უფლებამოსილია ხელშეკრულების შესრულების კონტროლის განმახორციელებელი პირები;
- 6.3. მომსახურება ჩაითვლება მიღებულად გაწეული მომსახურების დასახელების, რაოდენობისა და ღირებულების მითითებით შედგენილი ანგარიშ-ფაქტურის, ზედნადების ან მიღება-ჩაბარების აქტის გაფორმების შემდეგ.

7. გარანტია

- 7.1. მიმწოდებელი იძლევა გარანტიას, რომ მომსახურება შესაბამისობაში იქნება ამ სფეროში არსებულ სტანდარტებთან და ტექნიკურ ნორმებთან და დააკმაყოფილებს ხელშეკრულებით განსაზღვრულ

პირობებს და შემსყიდველის მოთხოვნებს;

7.2. იმ შემთხვევაში, თუ მომსახურების ხარისხი ვერ აკმაყოფილებს შემსყიდველის მოთხოვნებს, შემსყიდველს უფლება აქვს უარი განაცხადოს უხარისხოდ გაწეული მომსახურების მიღებაზე;

7.3. თუ მომსახურება არ შეესაბამება ხელშეკრულების პირობებს, შემსყიდველი მიმწოდებელთან ერთად, ან მის გარეშე, ადგენს აქტს დადგენილი წესის შესაბამისად;

7.4. შემსყიდველი ვალდებულია ოპერატიულად, წერილობითი სახით აცნობოს მიმწოდებელს შემოწმების შედეგები, დაწუნებული მომსახურების წუნდების მიზეზის მითითებით.

8. ანგარიშსწორების ფორმა, წესი და ვადები

8.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით გათვალისწინებულ რეკვიზიტებზე ეროვნულ ვალუტაში;

8.2. ანგარიშსწორება მოხდება ერთჯერადად, მომსახურების გაწევაზე მე-6 პუნქტით განსაზღვრული დოკუმენტაციის შედგენიდან არა უგვიანეს 5 (ხუთი) სამუშაო დღის ვადაში.

9. ხელშეკრულების შესრულების კონტროლი

9.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი;

9.2. შემსყიდველის მხრიდან ხელშეკრულების შესრულების კონტროლს ახორციელებს შპს „Goderdzi Resorts“-ის შესყიდვების მენეჯერი მალხაზ მახარაძე;

9.3. ხელშეკრულების შესრულების კონტროლი ხორციელდება სისტემატიურად, შემსყიდველის შეხედულებისამებრ;

9.4. კონტროლი ხორციელდება როგორც შუალედური ფორმით – მომსახურების გაწევის პროცესში, ისე, მისი დამთავრების შემდგომ, მიღება-ჩაბარებისას;

9.5. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

10. მხარეთა პასუხისმგებლობა ხელშეკრულების პირობების შეუსრულებლობისათვის

10.1. ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 5 პროცენტის ოდენობით;

10.2. შემსყიდველი დარიცხული პირგასამტეხლოს თანხის დაკავებას შესაბამისი წერილობითი შეტყობინების საფუძველზე ახორციელებს მიმწოდებელზე ასანაზღაურებელი მიწოდებული საქონლის ღირებულებიდან;

10.3. იმ შემთხვევაში, თუ დარიცხული პირგასამტეხლოს თანხა აღემატება მიმწოდებელზე ასანაზღაურებელი მიწოდებული საქონლის ღირებულებას, მიმწოდებელი ვალდებულია პირგასამტეხლოს თანხა ჩარიცხოს შეტყობინებაში მითითებულ საბანკო ანგარიშზე შეტყობინების მიღებიდან ათი სამუშაო დღის განმავლობაში;

10.4. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

11. დაუძლეველი ძალა

11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ;

11.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი;

11.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ;

11.4. 11.3. მუხლით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან;

11.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.



12. ხელშეკრულებაში ცვლილებების შეტანა

- 12.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა;
- 12.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;
- 12.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად;
- 12.4. თუ რაიმე წინასწარ გაუთვალისწინებელის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13. ხელშეკრულების შეწყვეტა

- 13.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის წერილობითი შეტყობინების შემდეგ:
- ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;
 - ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
 - გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - დ) საქართველოს კანონმდებლობით გათვალისწინებულ სხვა შემთხვევებში;
- 13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან;
- 13.3. ხელშეკრულების 13.1 მუხლში მითითებულ შემთხვევებში შემსყიდველი ვალდებულია მიმწოდებელს აუნაზღაუროს ფაქტიურად მიწოდებული საქონლის ღირებულება;
- 13.4. შემსყიდველი ვალდებულია არანაკლებ 3 სამუშაო დღით ადრე წერილობით აცნობოს მიმწოდებელს 13.1. მუხლით გათვალისწინებული გადაწყვეტილების მიღების განზრახვის თაობაზე;
- 13.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

14. ხელშეკრულების შესრულების და წინასწარი გადახდის უზრუნველყოფის გარანტია

- 14.1. ხელშეკრულების შესრულების უზრუნველყოფის გარანტია არ გამოიყენება;
- 14.2. წინასწარი ანგარიშსწორება არ გამოიყენება.

15. სადაო საკითხების გადაწყვეტა

- 15.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ;
- 15.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

16. სხვა პირობები

- 16.1. მომსახურების ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს;
- 16.2. გასართობი მომსახურების აუცილებელი ელექტროტექნიკით, გასახმომავნებელი აპარატურით, ინვენტარითა და საქონლით უზრუნველყოფა ევალება შესყიდველს;
- 16.3. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად;
- 16.4. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის თანხმობის გარეშე. მესამე პირებთან ურთიერთობაში მხარეები მოქმედებენ თავიანთი

სახელით, ხარჯებითა და რისკით;

16.5. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით;

16.6. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება;

16.7. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულებულ ქართულ ენაზე;

16.8. უცხოურენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტი ენიჭება ქართულ ენაზე შესრულებულ თარგმანს;

16.9. ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომლებიც ინახება მხარეებთან.

17. ხელშეკრულების მოქმედების ვადა

17.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2018 წლის 01 აპრილამდე;

17.2. ხელშეკრულებით ნაკისრი ვალდებულებების შესრულების მოთხოვნის უფლება ძალაში რჩება ხელშეკრულების მოქმედების ვადის გასვლის შემდეგაც;

18. მხარეთარგვიზიტები

<u>შემსყიდველი</u>	<u>მიმწოდებელი</u>
შპს „სტადიონი“	ი/მ „თამაზ ბუკია“
იურიდიული მისამართი – ქ. ბათუმი, თამარის დასახლება, ბნქ-ს ადმინისტრაციული შენობა	იურიდიული მისამართი – ქ. ზუგდიდი, სოხუმის ქუჩა #2
ფაქტიური მისამართი – ქ. ბათუმი, კ. გამსახურდიას ქ. #1, ბინა 4-7	ფაქტიური მისამართი – ქ. თბილისი, ვეკუას ქუჩა #1, ბინა 82
ელფოსტა – office@goderdzi.ge	ელფოსტა – t.bukia1960@gmail.com
ბანკის დასახელება – სს „ტერა ბანკი“	ბანკის დასახელება – სს „ტერაბანკი“
ბანკის კოდი – TEBAGE22	ბანკის კოდი – TEBAGE22
ა/ნ – GE37KS0000000340200006	ა/ნ – GE62KS0000001360136999
საიდენტიფიკაციო კოდი – 245629388	საიდენტიფიკაციო კოდი – 19001054047

ზურაბ ჭურკვეიძე

შპს „Goderdzi Resorts“-ის დირექტორი

თამაზ ბუკია

ინდივიდუალური მეწარმე

